

扁鵲心書二



南京中医學院
圖書館藏書



扁鵲心書卷中

古就醫盧人扁鵲

傳

宋太醫真定賢材重集

太清

錢塘不

吐參論

傷寒

傷寒六脉浮緊呻吟不絕足指温春陽也忌服呻神
恐變為陰害人性命至六日發煩躁乃陰陽換氣欲
作汗也服當歸伏苓散汗出而愈



六脉緊大或弦細不呻吟多睡耳聾足冷肢節痛

發黃身生赤黑曆時發噫氣皆陰也灸關元三百壯

服金液丹薑附湯過十日半月出汗而愈若不早灸

反與涼藥者死辨別陰陽不比于此然熟體此二條

能徧行若貧家無力而遇難起之病不能備參藥勉

告以灸能活命倘肯依從未必非仁術之一端予每

見時疫盛行之際鄉儼死者比戶心切憐之倘盡心

方并合丹藥以濟之不特己身蒙福子孫亦必昌大

若吐逆而心下痞灸中脘五十壯若微微發熱者欲

作沃服薑附湯而愈若少年壯實之人湯寒至五六

日發狂踰垣上屋胃中有積熱也服大通散輕者知
母散亦愈

傷寒四經見證

傷寒欲有四經無少陽厥陰二經夫寒之中人如太
陽主皮毛故寒邪先客此經陽明主胃凡形寒飲冷
則傷之大陰主脾凡飲食失節過食寒物則傷之少
陰主腎寒水喜歸本經也故傷寒止有四經若少陽
厥陰主肝膽如憂思喜怒方得傷之寒病最少如耳



聾囊縮者少陰也寒熱口苦乃陽病也此四證俱不

宜用寒涼藥也

言無少陽厥陰二經非通論也詩醫見寒熱口苦耳聾脇痛乾嘔吐逆不

辨陰陽不審虛實動云少陽首尾小柴胡和解以爲
穩妥不知虛陽提越內陰愈甚變爲躁擾不安
痞悶口渴謔妄脉體弦急更云內熱已深輕則瀉
白虎重則陷胸承氣不至冰脫不已至若厥陰櫻陰
本風中見火化證來錯雜
人多不識誤死者多矣

太陽見證

太陽寒水內屬膀胱故脉來浮緊外證頭疼發熱腰
脊強惟服平胃散至六七日出汗而愈蓋胃氣不浮

傳徧經絡自愈也仲景以為陽證乃與涼藥隨經而
解反攻出他病甚者變為陰證六脈沉細發厥而死
急灸關元乃可復生如本經至六七日發戰者欲作
解而陽氣少也服薑附湯出汗而愈仲景圓機活法論中救誤者甚
多何嘗能誤人哉其誤人者乃後人誤用仲景法而誤之耳于仲景何尤

陽明見證

陽明燥金內屬于胃六脈浮緊而長外證目痛發熱
手足溫呻吟不絕服當歸柴胡湯平胃散仲景反言

熱深厥亦深此誤也若果發昏厥兩目枯陷不能鼻

者急灸中脘五十壯漸漸省人事手足溫者生否則

死仲景厥陰證中有厥熱多寡之論不過驗邪正之

何誤進退察陰陽之消長示人為治之活法無偏無倚之有

太陰見證

太陰濕土內属于脾其脈弦緊外證不呻吟四肢不

痛身不甚熱時自汗自利手足冷多痰唾服保元丹

薑附湯十日後汗出而愈

此證溫治若早愈亦甚遠稍不審察害人亦易又



一證發黃生紫斑咽乾燥噫氣者此名陰燥陰黃服
鍾乳粉十日後汗出而愈庸醫或誤認陽證涼之即
死

少陰見證

少陰君火內屬于腎其脈弦大外證肢節不痛不呻
吟但好睡足指冷耳聾口乾多痰唾身生赤黑靨時
發噫氣身重如山煩躁不止急灸關元三百壯內服
保元丹薑附湯過十日汗出而愈若作陽證誤服涼



藥以致發昏譫語循衣摸牀吐血脈細乃真氣虛腎

水欲涸也仲景反曰急下之以救腎水此誤也真氣

既虛反用涼藥以攻其裏是促其死也急灸關元

百壯可保無虞少陰本熱標寒而又中見太陽本熱

緒變態百出令人接應不暇然只在初時體察真切

用灸用溫亦非難事良由初着一錯貽誤到底害人

不少至若無本熱而又無中見之太陽一派陰寒必

死無疑或速灸關元重投丹附亦在于覽之早庶望

其生○少陰誤治而變諸敗逆證誠為費手先生之

論崙屬形藏故尚溫補仲景之論惟言氣化故主承

制然論中用溫者多下者不過數條而已况標本氣

化今古難明非神于仲景之法者不能倘于急下證

而誤溫殺人反掌急溫證而誤下
寃沉海底嗟嗟醫之為道誠難矣

傷風傷寒

脈浮為風脈緊為寒仲景分為兩塗故有麻黃桂枝
之說此誤也然傷寒乃太陽本氣受傷不可大汗但

服薑附湯自愈不必穿鑿他求以為精也浮風緊寒
古人通論

解肌發表定法難磨仲景不可訾也至若緊而勁急
或微或沉神志稍失其常形氣不能振作則先生之
法斷不可緩○傷風輕淺之證初起咽疼喉痛鼻中
火出此風邪外傷毛腠抑遏陽氣故現此耳醫者不
明誤用寒涼
馴致重大



挾食冷物

脈沉爲胃氣寒，緊爲冷，氣盛滑則食不消，其證顛痛發熱，嘔吐，心下痞，時或腹痛。服丁香丸來復丹，若冷物不消，葶藶散，胃虛者平胃散，理中丸。

中濕

三四月間人感潮濕之氣，名曰濕病。或六七月大雨時行，恣飲冰水冷物，亦名中濕。則令人寒熱自汗，陽則脈繁，肢節痛，足指溫。服大附湯，陰則脈沉而緊，肢



節不痛身涼自利足指冷服薑附湯不可發汗汗則必發煩躁虛汗不止或發黃腫若服涼藥則泄瀉而死先生于此證雖分陰陽而用附子則一今人于六月七月之交不辨是寒是濕或陰或陽動輒云暑毒未清又行攻下不至醫殺不止實可痛心

陰毒

或腎虛人或房事後或胃發冷氣卽腹痛煩躁甚者囊縮昏悶而死急灸關元一百壯內服薑附湯保元

丹可救一二若遲則氣脫雖灸亦無益矣

審證的確卽當速救

不可因循
致歸絕路

老人傷寒

切忌發汗及吐下蓋元氣盛則邪不能為害傳編經絡自愈仲景不敢補反攻邪氣致正氣受傷誤人多

矣凡遇此證只用薑附湯多服自然解散元虛而受攻傷正河

必老人仲景醫之聖者寧不知此

陰陽換氣

凡傷寒陽證欲作汗陰證已加灸真元欲復與邪氣



分爭必發寒戰鼻衄昏迷牙關微緊四肢微厥乃陰陽換氣也。一二時辰自然腋下汗出而愈。

陰陽換氣即令之所

謂戰汗須預告病家令其不必驚駭否則闔室蒼惶讒言蜂起彼時一劑誤投遂有生死之判

傷寒譫語

凡傷寒譫語屬少陰仲景屬陽明誤也陽明內熱必


發狂今止譫語故為少陰

仲景皆指神虛未嘗不屬少陰也

急灸關

元三百壯若灸後仍不止者死

傷寒衄血



凡鼻衄不過一二盞者。氣欲和也。不汗而愈。若衄至升斗者。乃真氣脫也。針關元入三寸。留二十呼。血立止。再灸關元二百壯。服金腋丹。不然。恐成虛勞。中滿。
當解當清當溫當補
審證須治庶幾無誤

勞復

傷寒瘥後。飲食起居勞動。則復發熱。其候頭痛身熱。煩躁。或腹疼。脈浮而緊。此勞復也。服平胃散。分氣。尤汗出而愈。若連服三四次不除者。此元氣大虛故也。

灸中脘五十壯

勞復證仲景數方用須斟酌第二須審邪氣之有無辨寒熱之多寡以施

治則無誤矣

汗後大便下赤水或膿血

此乃胃中積熱未除或服丹附而致宜服黃連當歸

芍藥湯下膿者如聖餅化積而愈經云熱雖甚不死

若陰氣盛則殺人于頃刻戒之

熱藥之過一涼可解涼藥之誤十熱難瘳

又積熱易解而易治沉陰難愈而難明臨證之工大宜體認

汗後發噫



由于脾腎虛弱冷氣上奔也服薑附湯來復丹此症發呃苦噫證無死人之理觀後二案可見

治驗

一人傷寒至八日脉大而緊發黃生紫斑噫氣足指冷至脚面此太陰証也最重難治爲灸命關五十壯關元二百壯服金液丹鍾乳粉四日汗出而愈

一人患傷寒至六日脉弦緊身發黃自汗亦太陰

